

撫州府志卷之

人物考 隱逸

韞紀用里先生弟子華子期止處用里隱商山子期口
以至此意者石磴可礪紅泉可枕耶夫堯舜在上下有
巢由士君子或出或處或默或語各有志焉何可強也
撫韞所紀隱逸行各不同而清風高致猶覺如昨未可
曰身將隱矣焉用文為余亦遂以不文謝也志隱逸

唐

張頂臨川人隱居不仕宣宗大中間蔡公京守撫遊汝水

撫州府志

卷之二十八 隱逸

一

之放生池禁採捕忽有乘小舟而釣者使人執之釣者
口授一詩云拋却長竿捲却絲手携蓑笠詠新詩臨川
太守清如鏡不是漁人下釣時蔡公曰此必張頂也亟
物色之不知所往人傳以為仙云 見唐詩紀事唐放生池在東湖今正覺寺
前非南湖放生池也又顏魯公傳有臨川進士楊志堅能詩魯公
敬禮然郡志唐以前無考矣 人物志

南唐

陳叡字彥明臨川人南唐時獻皇王興化十論後主欲官
之辭不受歸隱本鄉賜號華蓋白衣處士 見南唐書及自志舊志誤

入良牧傳
後令改正

宋

李陽孫字祖德崇仁人慶曆二年三禮出身主封州簿官
滿挈妻子徒步歸晏元獻深器重之贈詩有三年官滿
後依舊一家貧之句有古律詩號掛冠集

饒子儀字元禮臨川人從胡瑗孫復授經親沒不事科舉
楊傑授以星曆諸書皆洞究荆公登庸欲論薦子儀不
屈結庵凌雲山名曰葆光杜門著書與潘延之曾子固
汪信民謝無逸友善臨江守王說欲迎致軍學郡守劉

撫州府志

卷之二十八

隱逸

二

臣曰吾州有士令他之乎乃迎還率諸生聽講建昌守
陳繹欲薦以十科力辭崇寧初詔舉懷材抱藝養素邱
園者郡以子儀應命下而卒年八十一所著編年史要
周易論語解及詩文集藏於家

杜子野宐黃人荆公幼師之及爲相子野來見荆公問所
欲時壁間有東方朔畫像贊乃顏正卿筆欲得之荆公
曰墨本何足貴石雖在河北德州致之亦易於是輦載
至臨川併以金帛遺之子野受石碑他無所取

饒竦字異林臨川人負氣節不苟阿時而文名尤噪甚初

與王荆公友善及荆公力持新法朝議沸騰竦入見極言更張太驟搖動民心小人奉行徒滋腴剝荆公不能用熙寧六年下第以詩投荆公曰又還垂翅下丹霄歸指臨川去路遙一畝荒田多賣却要錢準備納青苗隱居玉湖別墅著述自娛元祐間或勸之出竦曰人非水火不生而蹈水火者未有不死矧滔天燔焰柰何犯之後黨論大興服其遠識

陳軾字君式臨川人元豐中知黃州馭吏急而治民寬郡境稱治時蘇東坡謫居於黃人多避禍不敢相親軾獨

撫州府志

卷之二十八

隱逸

三

與之交以朝奉大夫致仕東坡名其園曰中隱軒曰恭軒荆公南豐皆以詩贈

按東坡謫黃州時爲守者徐君猷也有詩篇可考陳軾姓名不見於集中人物志云云不知何據

雷度字世則臨川人器識高遠觀書一過成誦爲文末嘗起草靖康初爲舉首然無意利祿築菴題曰卷石閉戶讀書有惡少撓之度笑曰此殆不吾安耳豈可重違其意棄而之他晚研精於易有會心處儼然凝坐塵埃滿席雖親賓入戶不之見鄉黨爲不義者每愧懼曰先生

得無知乎卒年七十九有書易口義文集共八卷李殿撰浩志其墓

周珩金谿人袞之孫以明經貢辟雍靖康初上書論事不報已而駕入虜營珩遮說詞氣慷慨虜爲動色晚受長沙簿調永豐時曹績使虜辟以偕行及還當次論賞珩恥自陳賞不及歸隱麻山自號足翁卒年八十八曾孫國華字直夫嘉定十三年登第

袁度號希山樂安人開禧初貢於鄉後以孔氏蝌蚪文字貢行在辭不受職蒼山曾子實稱其詩春容大雅雖塗

撫州府志

卷之二十八

隱逸

四

暈青紅者見而笑之而淵然好古之君子則未有不端拱起敬者也吾以是知其爲人

鄒斌字雋父臨川人嘉定丙科授德安府幕經理三關形勝措置有方端平更化趙汝談露薦不赴所居扁曰南堂叢書萬卷有南堂藁

吳漸字茂榮臨川人盛德韜晦識陸象山於童幼妻以女劉迂字漫翁宐黃人隱居不仕文章敏贍自成一家凡百氏釋老之書皆精究未陸諸儒會鵝湖嘗以詩請益所居號雲月高齋年八十餘無疾而卒

董德修字仲修樂安人嘗從陸象山先生學靜觀自得
勸之仕者曰吾自有做不了處何暇及仕從遊者多德
成名立稱之曰心齋先生

饒延年字伯永號止翁臨川人魁岸倜儻遊復齋象山之
門象山稱其開豁有力量以經學著并旁究諸釋典及
天文地理醫卜方書正西山何月湖皆歎服之篤信自
守隱居不仕輕財好義值歲歉穀價翔踊公以錢米雜
和嘿禱於天乃捧斗槩量以米中錢數爲準時斗米百
錢而公所得僅六十五遂爲定價鄉人德之郡守傅公

撫州府志

卷之二十八

隱逸

五

欲薦於朝固辭紹定三年寇亂趨金陵甫兩月得微疾
屏藥恬怡一夕明燭焚香趺坐而逝年八十有一秋寇
靖子扶柩歸葬魏了翁題其石曰有宋長者止翁之墓
孫應子紹定壬辰進士應龍端平乙未進士

董雲從字亨甫樂安人紹定己丑進士授連州司法改江
陵叅軍彝陵主簿三調俱不赴崔清獻爲淮西檢校雲
往執弟子禮後清獻居政府首以書勉雲出仕樞相陳
卓漕使陳一夔交薦于朝俱弗就自號安閒居士兄與
乾字聖傳常授連州司法叅軍與時相齟齬屏跡不仕

淵聖卽位詔起爲江南轉運幹官未赴而卒

黃丙炎字純宗號思梅崇仁人咸淳元年進士授臨桂簿
德祐元年差幹辦江西制司帶行禮部架閣加國子正
除宗正簿北兵大至黃萬石棄撫州走丙炎不能挽遂
歸隱其詩文清整涵暢自爲一家初擢第歸道出安仁
有盜殺人逸累居者旣誣服丙炎以過客得盜名告使
者謝曰君乍脫場屋洗冤如此可量哉千峯陳宗禮每
嘆其清苦不可及劉須溪銘其墓曰最不幸而以身從
人又不幸而以文致身故雖有孔明公瑾而用之如陳

撫州府志

卷之二十八

隱逸

六

琳阮瑀又如溫石二子而不得爲許遠張巡豈非命云
子興孫字祖烈十歲能詩文值革命父兄相與講學不
復仕進於詩尤長性孝友親疾不解帶居喪有禮卒年
四十次鳳孫暉孫皆有學

葉宋英臨川人天性妙悟文辭爾雅黃鍾九寸之管無定
論隨所置律而上下損益以爲聲均存而律不可辨矣
英自製曲譜均間合節趙子昂虞邵菴亟稱之欲引八
禁林議樂律而英已卒取所著曲譜及樂律遺書上之
曾子良金谿人三歲不言伯父容安教之誦詩則點首應

諾一夕見月忽能成誦舉家異之及長篤志性理之學登咸淳戊辰第調興安尉遷淳安令與郡守一言不合奉母歸養入元程鉅夫以遺逸薦授憲僉不赴扁節居二字于堂以示其志卒年六十三學者稱平山先生所著有易雜說中庸大學語孟解聖宋頌百行冠冕詩續言行錄詩廣崇類稿咸淳類稿

于應雷字震卿金谿人早治舉子詩賦論策咸淳間領鄉薦國亡隱居龍田里之五雲山以讀書誨人爲事剛直寡合非大禮未嘗一八隣家事親孝謹爲文嚴整有法

撫州府志

卷之二十八

隱逸

七

吳文正銘其墓曰其文金玉其質石鐵九十而終全士之節

黃崇義號澗西樂安人師事勉齋先生深造自得聘主汝水書院教與賢士大夫終日講究兵亂隱處著周易集說理學要語及澗西文集嘗賦詩曰澗水之西我所家結亭新借白鷗沙旋移騷國春風木滿種陶籬晚節花陪客常留煨芋火課兒頻煮讀書茶清波迴與黃塵隔一笑人生自有涯名冠一邑

李朋字壽甫崇仁人經傳子史一覽弗遺尤精熟周禮會

諸路舉義兵朋退居田間後聞崖山失守遂扁其間居之所曰閉隱庵取古不事二君者列書於壁足跡不出戶外雖至戚不得一入其中時復悄然淚下以憤懣致疾死年五十四平山曾子良銘其墓曰宋之義士

趙嗣詔字信道崇仁人咸淳元年進士初主嘉魚簿再任紹興府司法叅軍宋亡隱居兄嗣謹亦先詔舉進士時同邑何晉字德翁與兄桂發俱咸淳元年進士詔與同構別堡躬耕以食日雜樵夫牧豎中裋褐行歌夜則一燈相對講究不輟或有語及興亡事者詔曰受命而興

撫州府志

卷之二十八

隱逸

八

古不一姓但吾輩不幸偶逢喪亂耳君何所見之不達也人以爲至言

危復之字見心臨川人博覽群書工詩尤邃於易宋末貢補太學國亡隱居不仕至元初元帥郭昂薦爲本路儒學官不就朝廷累遣奉御察罕翰林應奉詹玉以幣徵之皆不起隱於紫霞山從學者衆及卒門人私謚曰貞白先生

黎道華字師侯臨川人受春秋于鄧名世學詩於謝逸與曾季狸僧惠嚴俱以詩名號臨川三隱性至孝母家汝

水東日一省視寒暑不輟一日春水暴漲駕小舟衝浪而往舟已沒矣篙工手援出之人以爲純孝所致有頤菴詩集姜之茂集臨川三逸詔收入秘閣

王科字子純樂安人宋末貢補國學國亡隱居不仕草廬嘗曰耆儒宿學如吾子純者寥寥若晨星子梁字良甫師事草廬嘗築汪陂溉田千頃鄉賴無旱邑長燮理溥化郡守楊友直皆加禮敬有西齋稿藏于家

鄒次陳字周弼一字悅道宜黃人宋末中博學宏詞科值革命隱居不仕遠近學者多從遊及卒何太虛哀以詩

撫州府志

卷之二十八

隱逸

九

云八窓九室失般倕善斲無人轉可悲又云門生定展王通學舊友誰成郭泰碑其見推於時賢如此所著有遺安集十八卷史抄十卷

元

吳定翁字仲谷臨川人漸佞孫少孤鞠于伯父伯父母相繼歿定翁俱服喪三年從曾平山學又學詩於甘泳之得其音節氣岸久而造於冲淡草廬以其詩有盛唐風揭曼碩以比涿郡盧摯且曰盧位顯而氣完不若定翁幽茂疎散教授鄉里泊然無外慕薦辟相望終身不起

學士大夫過郡者必求見焉程雪樓貽書曰臨川士友及門者踵相接也獨相望足下耿耿如玉人而不可得見定翁嘗曰士無求用於世惟求無愧於世年幾九十卒召子孫輯其遺文不及他事子肇象州儒學正有文學

黃極字建可樂安人師事草廬元統中南臺薦其窮操理義之學恪守貧素之風廉介不阿不求聞達不起所著有西齋集子寶字仲瑤淹洽經史與何淑張潔王翊稱樂安四傑明永樂間遣使以詩徵之寶次韻奉荅辭徵

撫州府志

卷之二十八

隱逸

十

不起詩曰白髮持竿寄石鰲才名那得譽時髦五湖烟浪天無際爲報沙頭具小舸

王彰字伯遠金谿人少從草廬先生學至正二十年登進士除國子助教陞博士元亡歸隱故山而卒王泉坡英嘗作六賢詠謂葛元喆劉傑朱夏陳介黃暉及伯遠也

舊志誤刻
黃伯達

李衡字元成崇仁人篤志春秋嘗著集說分二例一爲稽古設一爲科舉設元末領鄉薦爲太和州學正洪武十二年郡守從弟子願舉任郡學訓導久之朝廷以明經

博學徵辭不就有文集數卷

孫轍字履常臨川人少孤母教之警策自立早有譽於鄉里開門授徒考德問學以孝弟忠信爲主言溫氣和聞者油然自得郡中俊彥有聲者徃徃以出其門爲幸省憲徵辟皆不就齊太史履謙以遺逸特舉亦不就歲時致廩餼復不受自卿大夫至田野皆稱曰淡軒先生家雖貧事親極孝寡姊有三甥女皆養之親側及笄爲擇壻嫁之女弟有痼疾居室無間言母九十五而終哀慕摧毀人皆稱焉有詩文若干篇草廬序之及卒邵菴祭

撫州府志

卷之二十八

隱逸

十一

之以文而銘其墓

何淑字伯善樂安人至正辛卯登進士授武岡丞蘄沔盜起不果上洪武辛亥召爲太子賓客辭不就六月特召天下名士九人淑居首至京師以老疾辭歸戊辰春復遣幣徵適蜀王亦來召淑以先一月捐館兩使相嘆息而去自號蠖菴有文集

明

吳璵字懋榮康齋先生子九歲能詩下筆驚人大司成頤菴見而奇之天順間侍康齋應召縉紳喜其儀度峻整

言論端確欲留國學待用璵以親老辭歸清修篤行內外一致白沙陳公應聘時迂道過訪驚曰玉海千尋窺應不測當道累薦皆不就平居端坐正容與諸生談論竟日忘倦卒年六十有七號芸雪所著有芸雪集

孔正文字用徵 宣聖六十三代孫其先四十七代祖自
充如衢自衢如臨至正文復十六世領天啓辛酉鄉薦
時文年甫壯卽務修名飭檢崇正初執政句容孔公陽
羨周公以族屬門墻故嘗從郵筒間招文北上文卒謝
絕春明不赴後家室雖極仳離日于靈谷豐溪布席講

撫州府志

卷之二十八

隱逸

十二

易晨燻午舉陶然自適至於登高臨流把酒分韻則又
未嘗一讓少年所著大易闡註以課諸孫別有友石居
詩集殺青未半而卒生平不作憤惋牢騷語尤人所難
韓范字一范臨川人父文郁友愛異母二弟踰于己子聲
著學宮從遊踵至范領庚午鄉薦時王石雲先生補東
鄉令分校江右拔冠本房入謁卽以砥礪名節相期旣
王公以最調鍾陵范走謁道經芟湖有儒夫婁甚而妻
負殊色者豪家子謀奪之速懦夫於獄范旅食旁舍悉
其冤狀旋代白于上臺卒全其家而懦夫未之知也革

命後坐臥一小樓間往來靈谷諸峯壺觴自酌興至亦
稍見於吟咏有語及時事者卽掩耳去

易應旻字仁之臨川人總憲應昌同懷弟也年十三補郡
庠十九食廩餼性狷潔有攜千金謁者堅却之居郡城
閉戶著書見烏啼花落欣然成詠少司馬邱公毛伯題
其象曰非公不至繼澹臺之餘風埋羊在園砥銅馬之
峻節葉文莊贈詩曰清修管幼安高行徐孺子子雲衢
孫之英餼於庠